

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), a u vezi sa članovima 32., 45. i 54. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 88. sjednici, održanoj 23.02.2017. godine, donosi

ZAKLJUČAK

o usvajanju Programa utroška sredstava u razdjelu 20, Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2017. godinu, ekonomski kod 614200 pozicija “Tekući transferi pojedincima” i ekonomski kod 614300 pozicija “Tekući transferi neprofitnim organizacijama”

I.

Usvaja se Program utroška sredstava u razdjelu 20, Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), ekonomski kod 614200 pozicija “Tekući transferi pojedincima” i ekonomski kod 614300 pozicija “Tekući transferi neprofitnim organizacijama” u ukupnom iznosu od 25.949.074 KM (slovima: dvadesetpetmiliona devetstotina četiridesetdevet hiljadasedamdesetčetiri konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zadužuju se Ministarstvo za rad, socijalnu politiku i izbjeglice i Ministarstvo finansija da u skladu sa zakonom i podzakonskim aktima svako u okviru svojih nadležnosti realizuju ovaj zaključak.

IV.

Zaključak stupa na snagu danom donošenja.

Broj: 02-_____/17.
Datum, 23.02.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija
1x a/a.

P R O G R A M

utroška sredstava u razdjelu 20, Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2017. godinu, ekonomski kod 614200 pozicija "Tekući transferi pojedincima" i ekonomski kod 614300 pozicija "Tekući transferi neprofitnim organizacijama"

I.

Svrha ovog programa je da se sredstava Budžeta Zeničko-dobojskog kantona za 2017. godinu, u razdjelu 20, Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200 pozicija "Tekući transferi pojedincima" i ekonomski kod 614300 pozicija "Tekući transferi neprofitnim organizacijama", koriste za namjene kako je predočeno u tački V. "Potrošnja po transferima".

II.

Visina sredstava utvrđenih ovim programom iznosi: **25.949.074 KM** (slovima: dvadesetpetmilionadevetstinačetdesetdevethiljadasedamdesetčetiri konvertibilne marke).

III.

Izvor finansiranja: Budžet Zeničko-dobojskog kantona za 2017. godinu, Budžet Federacije, Budžet nevladinog sektora.

IV.

Kriteriji utroška sredstava: Sredstva planirana ovim Programom utroška sredstava realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona. Kriteriji su prikazani po pozicijama.

Organizacija koja prima transfer: JU Centri za socijalni rad i nadležne općinske službe za socijalnu zaštitu i raseljena lica, ustanove socijalne zaštite, udruženja, pravna i fizička lica na osnovu ugovora i lica u stanju socijalne potrebe.

V.

POTROŠNJA PO TRANSFERIMA:

1. Izdaci za raseljena lica – KAD 201

Visina sredstava: 88.551 KM - ekonomski kod **614200**.

Svrha transfera: Finansiranje troškova potrošnje električne energije, vode, grijanja, održavanja stambenih zgrada i liftovskih postrojenja, prevoza povratnika u prijeratne općine prebivališta, sahrana, jednokratnih novčanih pomoći i drugih potreba od značaja za ukupno zbrinjavanje raseljenih lica koja su smještena u kolektivnim naseljima i objektima za smještaj raseljenih lica koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici), te ostalih socijalno ugroženih raseljenih lica smještenih na području Zeničko-dobojskog kantona, na osnovu Zakona o raseljenim licima i povratnicima ("Službene novine Zeničko-dobojskog kantona", broj: 6/06, 10/08 i 10/11) i Pravilnika Ministarstva o uvjetima za ostvarivanje prava na prehranu, pomoć u snošenju dijela troškova sahrane i podmirenje drugih nužnih životnih potreba raseljenih lica i povratnika.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva za rad, socijalnu politiku i izbjeglice (u daljem tekstu: Ministarstvo), a na osnovu računa o potrošnji, izvršenim uslugama i ugovorenim obavezama kao i opravdanim zahtjevima pojedinaca.

Način pravdanja: Provjera osnovanosti zahtjeva, ovjere računa o izvršenju usluga od strane nadležne općinske službe (za potrošnju električne energije, ostale režijske troškove).

2. Sredstva za podsticaj povratka raseljenih lica i izbjeglica – KAD 202

Visina sredstava: 315.000 KM – ekonomski kod **614200**.

Svrha transfera: Provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih lica i održivost povratka, odnosno aktivnosti od značaja za ostvarivanje osnovnih programskih ciljeva Ministarstva u 2017. godini, a na osnovu Zakona o raseljenim licima i povratnicima i Zakona o socijalno-neprofitnom stanovanju.

Planirana sredstva utrošit će se za :

- Sufinansiranje obnove stambenih objekata u funkciji povratka.
Planirana potrošnja sredstava u iznosu od.....40.000 KM
- Provođenje aktivnosti od značaja za ekonomsko jačanje povratničkih zajednica (sufinansiranje projekata obnove vodovodne mreže, puteva, objekata zajedničkog stanovanja, vjerskih objekata, podsticaj razvoja poljoprivrede, sufinansiranje, sa drugim nivoima vlasti, projekata zapošljavanja i samozapošljavanja povratnika i drugih mjera i aktivnosti).
Planirana potrošnja sredstava.....cca 235.000 KM
- Provođenje aktivnosti na pružanju pomoći za obezbjeđenje minimalnih uvjeta za stanovanje, odnosno održivost povratka, kao i provođenje aktivnosti na pripremi implementacije projekata socijalno-neprofitnog stanovanja.
Planirana potrošnja sredstava..... cca 40.000 KM

Dinamika potrošnje: Bit će planirana mjesečnim operativnim planovima.

Način i procedura odobravanja: Prema nalogu Ministarstva i aktima Vlade, te zaključaka Ministra donošanih na osnovu Pravilnika Ministarstva o uvjetima za ostvarivanje prava na prehranu, pomoć u snošenju dijela troškova sahrane i podmirenje drugih nužnih životnih potreba raseljenih lica i povratnika.

Način pravdanja: Ugovori, računi, otpremnice, Izvještaji.

3. Transfer za alternativni smještaj – KAD 208

Visina sredstava: 77.400 KM – ekonomski kod **614200**

Svrha transfera: Finansiranje troškova potrebnih za rješavanje pitanja alternativnog (privremenog) smještaja raseljenih lica sa boravištem na području Zeničko-dobojskog kantona, i to plaćanjem troškova mjesečne stanarine raseljenim licima kojima je rješenjem Ministarstva priznato to pravo.

Dinamika potrošnje: Bit će planirana mjesečnim operativnim planovima.

Način i procedura odobravanja: Prema nalogu Ministarstva, a na osnovu iskazanih potreba općina zasnovanih na rješenjima Ministarstva o priznavanju prava na ovaj oblik zaštite raseljenih lica i povratnika, u skladu sa Zakonom o raseljenim licima i povratnicima ("Službene novine Zeničko-dobojskog kantona", broj: 6/06, 10/08 i 10/11).

Način pravdanja: Izvještaji nadležnih općinskih službi.

4. Civilne žrtve rata – KAD 203

Visina sredstava: 2.976.718 KM - ekonomski kod **614200** (izdaci iz vlastitih prihoda 869.401 KM i izdaci iz donacija 2.107.317 KM).

Svrha transfera: Finansiranje prava civilnih žrtava rata ostvarenih u skladu sa Federalnim Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine F BiH", broj: 36/99, 54/04, 39/06, 14/09).

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva zasnovanim na trebovanju sredstava od strane nadležnih općinskih službi i nadležnih ustanova socijalne zaštite, a prema Uputstvu o načinu isplate novčanih primanja civilnih žrtava rata i o načinu vođenja evidencija o korisnicima prava (propisano od strane Federalnog ministarstva rada i socijalne politike).

Način pravdanja: Izvještaj Ministarstva finansija o izvršenim plaćanjima.

5. Smještaj u drugu porodicu – KAD 204

Visina sredstava: 205.484 KM – ekonomski kod **614200**.

Svrha transfera: Finansiranje obezbjeđivanja socijalne zaštite, odnosno zbrinjavanje djece i odraslih lica kojima je potrebna stalna briga i pomoć, radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način. Uslovi i način smještaja u drugu porodicu utvrđeni su kantonalnim Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", broj: 13/07, 13/11, 03/15 i 02/16 u daljem tekstu: Kantonalni zakon).

Dinamika potrošnje: Bit će planirana mjesečnim operativnim planovima.

Način odobravanja: Po nalogu Ministarstva, a shodno trebovanjima centara za socijalni rad i nadležnih općinskih službi.

Način pravdanja: Izvještaji centara za socijalni rad i nadležnih općinskih službi.

6. Naknada za porodiljsko odsustvo - KAD 205

Visina sredstava: 8.000.000 KM – ekonomski kod **614200**.

Svrha transfera: Finansiranje prava naknada umjesto plaće ženi-majci u radnom odnosu dok odsustvuje sa posla radi trudnoće, porođaja i njege djeteta, pod uslovima i na način propisan Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, a na osnovu potraživanja sredstava za ovu namjenu od centara za socijalni rad i nadležnih općinskih službi, zasnovanih na rješenjima o priznavanju prava zaposlenih porodilja.

Način pravdanja: Izvještaji centara za socijalni rad i nadležnih općinskih službi.

7. Zdravstvena zaštita neosiguranih lica - KAD 206

Visina sredstava: 135.000 KM – ekonomski kod 614200

Svrha transfera: Obezbjeđivanje zdravstvene zaštite lica koja nemaju zdravstveno osiguranje po nekom drugom osnovu prema Uputstvu koje je donio Ministar u skladu sa kantonalnim Zakonom i Zakonom o zdravstvenom osiguranju ("Službene novine Federacije BiH", broj: 30/97, 7/02, 70/08 i 48/11).

Dinamika potrošnje: Bit će planirana mjesečnim operativnim planom.

Način i procedura odobravanja: Po nalogu Ministarstva za rad, socijalnu politiku i izbjeglice zasnovanim na potraživanjima Zavoda zdravstvenog osiguranja Zeničko-dobojskog kantona.

8. Ostali socijalni transferi - KAD 207

Visina sredstava: 2.138.879 KM - ekonomski kod **614200**.

a) Visina sredstava: 2.038.879 KM - ekonomski kod **614200**.

Svrha transfera: Finansiranje dodatnih interventnih mjera i aktivnosti socijalno zaštitnog karaktera u oblastima iz nadležnosti i odgovornosti Ministarstva, i to:

8.1. Za sufinansiranje implementacije projekta UG "Medica" Zenica - "Sigurna kuća za žene žrtve nasilja u porodici i zajednici sa područja općina Zeničko-dobojskog kantona"54.720 KM.

Dinamika potrošnje: Doznaka sredstva vršit će se mjesečno u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Tromjesečnim izvještajima udruženja o namjenskom utrošku sredstava.

8.2. Pomoć za javne-humanitarne kuhinje 240.000 KM

Naziv kuhinje	Mjesečno u KM	Ukupno za 2017.god
1. MDD Merhamet Zenica	17.500 KM	70.000 KM
2. MDD Merhamet Maglaj	11.250 KM	45.000 KM
3. Caritas zeničkih župa	6.250 KM	25.000 KM
4. Pučka kuhinja Vareš	6.250 KM	25.000 KM
5. Narodna kuhinja Zenica	12.500 KM	50.000 KM
6. Javna kuhinja "Mladi volonteri" Visoko	6.250 KM	25.000 KM
UKUPNO	60.000 KM	240.000 KM

Dinamika potrošnje: Doznaka sredstva prema organizacijama i javnim kuhinjama vršit će se tromjesečno u ukupnom iznosu od 60.000,00 KM .

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Tromjesečni izvještaji udruženja i narodnih humanitarnih kuhinja.

8.3. Sufinansiranje realizacije projekta „Roma Action – podrška socijalnom uključenju ranjivih romskih porodica u područjima pogođenim poplavama putem obezbjeđenja stambenih jedinica i socio-ekonomskih mjera sa aktivnim učešćem državnih i lokalnih vlasti kao i drugih interesnih grupa“. Iz Budžeta za 2017. godinu planira se utrošak sredstva u iznosu 25.000 KM.

Dinamika potrošnje: Doznaka sredstava vršit će se u dvije jednake rate u iznosu od po 12.500,00 KM iz Budžeta Zeničko-dobojskog kantona za 2017. godinu.

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Izvještaj Hilfswerk Austria Interational, predstavništvo Sarajevo o utrošku sredstava.

8.4. Jednokratne i privremene novčane pomoći u korist potencijalnih i povremenih korisnika socijalne zaštite, putem nadležnih centara za socijalni rad i nadležnih općinskih službi socijalne zaštite raspoređene su po općinama, na osnovu procjene o broju lica u stanju socijalne potrebe od strane centara za socijalni rad i nadležnih općinskih službi socijalne zaštite - Zakonska obaveza koja se ostvaruje u skladu sa čl. 33., čl. 37. i čl. 151. Kantonalnog zakona ovisno o mogućnostima Kantona/općina. Iz Budžeta za 2017. godinu planira se utrošak sredstva u iznosu165.100 KM.

R.br.	Naziv ustanove	Mjesečno u KM	Ukupno za 2017.god
1.	JU Centar za socijalni rad Vareš	1.175,00	9.400,00
2.	JU Centar za socijalni rad Breza	1.175,00	9.400,00
3.	JU Centar za socijalni rad Visoko	2.237,50	17.900,00
4.	JU Centar za socijalni rad Olovo	1.175,00	9.400,00
5.	JU Centar za socijalni rad Kakanj	2.000,00	16.000,00
6.	JU Centar za socijalni rad Zenica	5.062,50	40.500,00
7.	JU Centar za socijalni rad Žepče	1.500,00	12.000,00
8.	JU Centar za socijalni rad Zavidovići	1.287,50	10.300,00
9.	JU Centar za socijalni rad Maglaj	1.200,00	9.600,00
10.	Služba za društvene djelatnosti i opću upravu Doboj Jug	800,00	6.400,00
11.	Služba za društvene djelatnosti Usora	900,00	7.200,00
12.	JU Centar za socijalni rad Tešanj	2.125,00	17.000,00
U k u p n o		20.637,50	165.100,00

Dinamika potrošnje: Doznaka sredstava vršit će se u osam mjesečnih rata putem nadležnih centara za socijalni rad i nadležnih općinskih službi socijalne zaštite, a u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Mjesečni izvještaji nadležnih centara za socijalni rad i nadležnih općinskih službi socijalne zaštite.

8.5. Socijalno zbrinjavanje osoba koje su usljed procesa prestrukturiranja firmi ostale bez posla 150.000 KM.

Dinamika potrošnje: Doznaka sredstava bit će planirana u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Izvještaj zaduženog tijela prema Odluci Vlade.

8.6. Finansiranje aktivnosti Ekonomsko-socijalnog vijeća i finansiranje naknade troškova člana Mirovnog vijeća izabranog sa utvrđene liste članova Mirovnog vijeća 60.000 KM.

Dinamika potrošnje: Doznaka sredstava bit će planirana u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Tromjesečni Izvještaj o provedenim aktivnostima.

8.7. Potrebe sufinansiranja projekata stambenog zbrinjavanja, obnove infrastrukturnih objekata te plaćanje privremenog smještaja za osobe nastradale usljed elementarnih nepogoda koje su zadesile Zeničko-dobojski kanton u 2014. godini. Sredstva će se odobravati odlukama Vlade. Iz Budžeta za 2017. godinu planira se utrošak sredstva u iznosu..... 120.000 KM.

Dinamika potrošnje: Doznaka sredstva vršit će se mjesečno u skladu sa mjesečnim operativnim planovima.

Način i procedura odobravanja: Po zaključcima Ministra i aktima Vlade.

Način pravdanja: Izvještaji općinskih službi o namjenskom utrošku sredstava.

8.8. Sufinansiranje projekata Humanitarnih organizacija.....50.000 KM.

Dinamika potrošnje: Doznaka sredstva vršit će se mjesečno u skladu sa mjesečnim operativnim planovima.

Način i procedura odobravanja: Po aktima Vlade.

Način pravdanja: Humanitarna organizacija će izvještavati o dinamici namjenskog utroška sredstava.

8.9. Ministar Ministarstva za rad, socijalnu politiku i izbjeglice sa ciljem osiguranja novčanih pomoći u funkciji socijalno zaštitnog karaktera, a na osnovu Pravilnika ministarstva o načinu ostvarivanja prava na novčanu pomoć socijalno intervenirajućeg karaktera za lica koja se nalaze u stanju socijalne potrebe po prijedlogu komisije Ministarstva, svojim aktom odlučuje o odobravanju pomoći socijalno-intervenirajućeg karaktera za svaki konkretni slučaj posebno, u iznosima od 100 do 3.000 KM. Mjesečno za ovu namjenu planiraju se utrošiti sredstva u iznosu do 10.000 KM.

Za ostale potrebe i intervencije socijalno-zaštitnog karaktera u oblastima iz nadležnosti i odgovornosti Ministarstva, kao što su: iznenadni nesretni događaji i prateće situacije, odziv humanitarnim akcijama, inicijativama i pozivima, pomoći za liječenja težih oboljenja i slučajeva socijalnih potreba pojedinaca uzrokovanih drugim okolnostima; finansiranje korisničkih računarskih programa za oblike socijalne zaštite i druge potrebe od značaja za razvoj socijalne zaštite građana Zeničko-dobojskog kantona.

Takođe, dio sredstava na ovoj poziciji planiran je za preusmjeravanje sredstava u finansiranju Zakona o hraniteljstvu i drugih reformskih zakona na federalnom nivou.

Planirana sredstva za ove svrhe su cca 1.064.059 KM.

Dinamika potrošnje: Doznaka sredstava vršit će se mjesečno u skladu sa mjesečnim operativnim planovima.

Način i procedura odobravanja: Po zaključcima Ministra i aktima Vlade.

Način pravdanja: Tromjesečnim izvještajima udruženja o namjenskom utrošku sredstava.

b) **Visina sredstava:** 100.000,00 KM - ekonomski kod **614200** - donatorska sredstva Federalnog ministarstva prostornog uređenja prenesena iz 2016. godine

Svrha transfera: Sufinansiranje realizacije projekta „Saniranje klizišta u Željeznom Polju općina Žepče, zaštitni zid u mjesnoj zajednici Vranduk Grad Zenica“

Dinamika potrošnje: Doznaka sredstava vršit će se u skladu sa mjesečnim operativnim planovima.

Način i procedura odobravanja: Po nalogima Ministarstva, a po privremenim i okončanim situacijama.

Način pravdanja: Od strane nadzora ovjerene privremene i okončane situacije.

9. Transfer za osobe sa invaliditetom – KAD 209

Visina sredstava: 200.000 KM – ekonomski kod **614200**

Svrha transfera: Finansiranje refundacija troškova pregleda kod Instituta za medicinsko vještačenje za osobe sa utvrđenim invaliditetom u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine F BiH", broj: 36/99, 54/04, 39/06, 14/09), finansiranje planiranih aktivnosti iz Strategije osoba sa invaliditetom Akcionog plana u oblasti invalidnosti za period od 2016-2018. godine u Zeničko-dobojskom kantonu, koje su u nadležnosti ovog Ministarstva te za podršku integracije i inkluzije osoba sa invaliditetom u društvenoj zajednici.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogima Ministarstva zasnovanim na osnovu trebovanja sredstava od strane centara za socijalni rad i nadležnih općinskih službi, u skladu sa Uputstvom Ministra, akata Vlade i Ministarstva.

Način pravdanja: Izvještaji centara za socijalni rad i nadležnih općinskih službi.

10. Novčana pomoć za nezaposlene porodilje – KAD 211

Visina sredstava: 122.472 KM – ekonomski kod **614200**.

Svrha transfera: Finansiranje novčanih pomoći porodiljama koje nisu u radnom odnosu, a koje ostvaruju pravo u skladu sa Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, a na osnovu potraživanja sredstava od strane centara za socijalni rad i nadležnih općinskih službi.

Način pravdanja: Izvještaji centara za socijalni rad i nadležnih općinskih službi.

11. Smještaj u ustanove socijalne zaštite - KAD 213

Visina sredstava: 5.000.000 KM – ekonomski kod **614200**.

Svrha transfera: Finansiranje smještaja u ustanove socijalne zaštite djece bez roditeljskog staranja i djece sa poremećajima u ponašanju, starih lica bez porodičnog staranja, zbrinjavanje lica sa naglašenim narušenim mentalnim zdravljem, dnevno zbrinjavanje djece sa posebnim potrebama, pod uslovima i na način koji je propisan Kantonalnim zakonom i ugovorenim obavezama.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva.

Način pravdanja: Računi ustanova sa spiskovima korisnika i njihova provjera.

12. Stalna novčana pomoć – KAD 215

Visina sredstava: 1.150.000 KM – ekonomski kod **614200**.

Svrha transfera: Finansiranje priznatih prava na stalnu novčanu pomoć za podmirenje osnovnih životnih potreba socijalno ugroženih, nesposobnih i drugih lica, pod uslovima i u visini propisanoj Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva zasnovanim na osnovu trebovanja sredstava po priznatim pravima od strane centara za socijalni rad i nadležnih općinskih službi.

Način pravdanja: Izvještaji centara za socijalni rad i nadležnih općinskih službi.

13. Osposobljavanje za život i rad – KAD 216

Visina sredstava: 95.057 KM – ekonomski kod **614200**.

Svrha transfera: Finansiranje prava na osposobljavanje za život i rad, djece ometene u psiho-fizičkom razvoju, pod uslovima i na način koji je propisan Kantonalnim zakonom. Na ovaj način obezbjeđuje se: rehabilitacija, obrazovanje i osposobljavanje za život slijepe i slabovidne djece, gluhe i gluho-nijeme djece i djece ometene u psiho-fizičkom razvoju.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, zasnovanom na trebovanjima sredstava od strane centara za socijalni rad i nadležnih općinskih službi

Način pravdanja: Računi ustanova sa spiskovima korisnika i njihova provjera.

14. Dodatak na djecu – KAD 217

Visina sredstava: 4.000.000 KM – ekonomski kod **614200**.

Svrha transfera: Finansiranje ostvarenih prava na dječiji dodatak porodici sa djecom koja se neposredno brine o djetetu, u skladu sa Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, zasnovanom na trebovanjima sredstava od strane centara za socijalni rad i nadležnih općinskih službi.

Način pravdanja: Izvještaji centara za socijalni rad i nadležnih općinskih službi.

15. Jednokratna pomoć za opremu novorođenog djeteta – KAD 218

Visina sredstava: 87.667 KM – ekonomski kod **614200**.

Svrha transfera: Finansiranje prava na jednokratnu pomoć za opremu novorođenog djeteta, u skladu sa odredbama Kantonalnog zakona.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, datom na osnovu trebovanja sredstava od strane centara za socijalni rad i nadležnih općinskih službi.

Način pravdanja: Izvještaji centara za socijalni rad i nadležnih općinskih službi.

16. Pomoć u prehrani djeteta do 6 mjeseci i dodatna ishrana majke dojilje – KAD 219

Visina sredstava: 351.546 KM – ekonomski kod **614200**.

Svrha finansiranja: Finansiranje prava pomoći u prehrani do 6 mjeseci i dodatnu ishranu za majke dojilje, u skladu sa odredbama Kantonalnog zakona.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, datom na osnovu trebovanja sredstava od strane centara za socijalni rad i nadležnih općinskih službi.

Način pravdanja: Izvještaji centara za socijalni rad i nadležnih općinskih službi.

17. Transfer JU Službi za zapošljavanje Zeničko-dobojskog kantona za podsticaj aktivnih mjera zapošljavanja – KAD 220

Visina sredstava: 690.000 KM – ekonomski kod **614200**.

Svrha transfera: Sufinansiranje programa zapošljavanja pripravnika (VSS), a u cilju stvaranja pretpostavki za njihovo zapošljavanje, sufinansiranje projekata prekvalifikacije i dokvalifikacije i stručno osposobljavanje.

Planirana sredstva će se utrošiti za sljedeće:

1. Sufinansiranje programa „Program sufinansiranja zapošljavanja VSS, SSS i KV mladih osoba bez radnog iskustva u 2016./2017“.....674.550 KM
2. Sufinansiranje projekata prekvalifikacije i dokvalifikacije, stručnog osposobljavanja i samozapošljavanja.....15.450 KM

Dinamika potrošnje: Bit će planirano mjesečnim operativnim planovima u skladu sa Odlukom Vlade Zeničko-dobojskog kantona.

Način i procedura odobravanja: Po nalogu Ministarstva u skladu sa aktima Vlade Zeničko-dobojskog kantona i na osnovu potraživanja sredstava od strane JU Službe za zapošljavanje.

Način pravdanja: Izvještaj JU Službe za zapošljavanje o utrošku sredstava i završni izvještaji organizacija koje implementiraju projekte prekvalifikacije i dokvalifikacije, stručnog osposobljavanja i samozapošljavanja.

18. Poticaji zapošljavanja mladih

Visina sredstava: 135.000 KM – ekonomski kod **614200**.

Svrha transfera: Sufinansiranje projekata zapošljavanja i samozapošljavanja sa drugim nivoima vlasti – poticaj zapošljavanja mladih.

Dinamika potrošnje: Bit će planirano mjesečnim operativnim planovima u skladu sa Odlukom Vlade Zeničko-dobojskog kantona.

Način i procedura odobravanja: Po nalogu Ministarstva u skladu sa Odlukom Vlade Zeničko-dobojskog kantona o angažovanju nezaposlenih mladih osoba

Način pravdanja: Izvještaj nivoa vlasti – učesnika u projektu.

19. Tekući transfer udruženjima – KAX 002

Visina sredstava: 70.300 KM - ekonomski kod **614300**.

Na osnovu člana 32. Zakona o izvršavanju Budžeta Zeničko-dobojskog kantona (“Službene novine Zeničko-dobojskog kantona”, broj: 15/16) utrošak sredstava na ovom transferu vršit će se nakon objavljivanja javnog poziva.

20. Tekući transfer za Crveni križ – ekonomski kod 614300.

Visina sredstava: 10.000 KM – ekonomski kod **614300**.

Svrha transfera: Finansiranje aktivnosti Crvenog križa Zeničko-dobojskog kantona u skladu sa odredbama Zakona o crvenom križu/krstu Federacije Bosne i Hercegovine („Službene novine FBiH“ broj: 28/16).

Dinamika potrošnje: Utrošak sredstava na ovom transferu vršit će se na osnovu Odluke Vlade Zeničko-dobojskog kantona.

Način i procedura odobravanja: Po nalogu Ministarstva u skladu sa Odlukom Vlade Zeničko-dobojskog kantona, a na osnovu potraživanja sredstava od strane Crvenog križa Zeničko-dobojskog kantona.

Način pravdanja: Izvještaj Crvenog križa Zeničko-dobojskog kantona o utrošku sredstava.

21. Tekući transfer iz prihoda za obilježavanje “Dječije nedjelje” – KAX 003

Visina sredstava: 100.000 KM - ekonomski kod 614300.

Na osnovu člana 32. Zakona o izvršavanju Budžeta Zeničko-dobojskog kantona (“Službene novine Zeničko-dobojskog kantona”, broj: 15/16) utrošak sredstava na ovom transferu vršit će se nakog objavljivanja javnog poziva.

VI.

Rekapitulacija programa utroška sredstava planiranih Budžetom Zeničko-dobojskog kantona za 2017. godinu u Ministarstvu za rad, socijalnu politiku i izbjeglice:

Ekon. kod	Subanalitika	Naziv pozicije	Planirani iznos u KM	Dinamika potrošnje
I 614200		Transfer pojedincima	25.768.774	
	KAD 201	Izdaci za raseljena lica	88.551,00	Prema mjesečnim operativnim planovima
	KAD 202	Sredstva za podsticaj povratka izbjeglih i raseljenih lica	315.000,00	Prema mjesečnim operativnim planovima
	KAD 203	Civilne žrtve rata	2.976.718,00	Prema mjesečnim operativnim planovima
	KAD 204	Smještaj u drugu porodicu	205.484,00	Prema mjesečnim operativnim planovima
	KAD 205	Naknada za porodijsko odsustvo	8.000.000,00	Prema mjesečnim operativnim planovima
	KAD 206	Zdravstvena zaštita neosiguranih lica	135.000,00	Jednokratno prema zaključku Vlade
	KAD 207	Ostali socijalni transferi	2.138.879,00	Prema mjesečnim operativnim planovima
	KAD 208	Transfer za alternativni smještaj	77.400,00	Prema mjesečnim operativnim planovima
	KAD 209	Transfer za osobe sa invaliditetom	200.000,00	Prema mjesečnim operativnim planovima
	KAD 211	Novčana pomoć za nezaposlene porodilje	122.472,00	Prema mjesečnim operativnim planovima
	KAD 213	Smještaj u ustanove socijalne zaštite	5.000.000,00	Prema mjesečnim operativnim planovima
	KAD 215	Stalna novčana pomoć	1.150.000,00	Prema mjesečnim operativnim planovima
	KAD 216	Osposobljavanje za život i rad	95.057,00	Prema mjesečnim operativnim planovima
	KAD 217	Dodatak na djecu	4.000.000,00	Prema mjesečnim operativnim planovima
	KAD 218	Jednokratna pomoć za opremu novorođenog djeteta	87.667,00	Prema mjesečnim operativnim planovima
	KAD 219	Pomoć u prehrani djeteta do 6 mjeseci i dodatna ishrana za majke dojilje	351.546,00	Prema mjesečnim operativnim planovima
	KAD 220	Transfer JU Službi za zapošljavanje za podsticaj aktivnih mjera zapošljavanja	690.000,00	Prema mjesečnim operativnim planovima
		Poticaji zapošljavanja mladih	135.000,00	Prema mjesečnim operativnim planovima

II 614300		Tekući transferi neprofitnim organizacijama	180.300,00	
	KAX 002	Tekući transfer udruženjima	70.300,00	Jednokratno prema Odluci Vlade
		Tekući transfer za Crveni križ	10.000,00	Jednokratno prema Odluci Vlade
	KAX 003	Tekući transfer iz prihoda za obilježavanje Dječije nedjelje	100.000,00	Prema programu obilježavanja Dječije nedjelje
UKUPNO I + II			25.949.074,00	

Broj: 02-_____/17.
Datum, 23.02.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija

1x a/a.